

ՀԱՅԱՍՏԱՆԻ ՀԱՆՐԱՊԵՏՈՒԹՅԱՆ ԳՆՈՒՄՆԵՐԻ ՀԵՏ ԿԱՊՎԱԾ ԲՈՂՈՔՆԵՐ ՔՆՆՈՂ ԱՆՁ

ՀԱՅՏԱՐԱՐՈՒԹՅՈՒՆ

ԲՈՂՈՔԻ ՆԵՐԿԱՅԱՑՄԱՆ ՎԵՐԱԲԵՐՅԱԼ

Բողոքի ծածկագիրը և ամսաթիվը՝ ԳԲՔԱ-ԼՕ-2021/112, 03.12.2021թ.

Բողոք բերող անձ՝ «Տելեկոմ Արմենիա» ՓԲԸ

Պատվիրատու՝ «Կրթական տեխնոլոգիաների ազգային կենտրոն» ՊՈԱԿ

Գնման ընթացակարգի ծածկագիրը՝ «ԿՏԱԿ-ԲՄԾՁԲ-21/11» բաց մրցույթ

Գնման առարկան՝ 2022-2024թթ. Հայաստանի կրթական ցանցում ընդգրկված 1420 ուսումնական հաստատություններին ինտերնետի մատակարարման, հաստատությունների ներքին համակարգչային ցանցերի, աշխատող համակարգիչների ծրագրային ու տեխնիկական սպասարկման ծառայությունների ձեռքբերում

Բողոքի պահանջը՝ պարտավորեցնել «Կրթական տեխնոլոգիաների ազգային կենտրոն» ՊՈԱԿ-ին ընդունել որոշում՝ Հրավերում՝ ներառյալ դրա թիվ 6 հավելվածով հաստատված պայմանագրում և տեխնիկական բնութագրում փոփոխություն կատարելու վերաբերյալ՝ սահմանելով ծառայությունների մատուցումն ապահովելու համար բավարար և տեխնիկապես խելամիտ ժամկետ (առնվազն վեց ամիս):

**ԳՆՈՒՄՆԵՐԻ ՀԵՏ ԿԱՊՎԱԾ ԲՈՂՈՔՆԵՐ ՔՆՆՈՂ ԱՆՁ՝ Լ. ՕՀԱՆՅԱՆ
ՔԱՐՏՈՒՂԱՐ՝ Ռ. ՄԿՐՏՉՅԱՆ**

Նիստերին կարելի է առցանց հետևել <https://www.e-gov.am/gnumner/> հղումով.

Տեղեկացնում ենք, որ «Գնումների մասին» ՀՀ օրենքի՝

- 50-րդ հոդվածի 10-րդ մասի համաձայն՝ յուրաքանչյուր անձ, որի շահերը խախտվել են կամ կարող են խախտվել բողոքարկման հիմք ծառայած գործողությունների արդյունքում, իրավունք ունի մասնակցելու բողոքարկման ընթացակարգին՝ մինչև բողոքի վերաբերյալ որոշում ընդունելու ժամկետը գնումների հետ կապված բողոքներ քննող անձին ներկայացնելով համանման բողոք: Նույն հոդվածի համաձայն՝ բողոքարկման ընթացակարգին չմասնակցած անձը զրկվում է գնումների հետ կապված բողոքներ քննող անձին համանման բողոք ներկայացնելու իրավունքից,
- 51-րդ հոդվածի 1-ին մասի համաձայն՝ գնումների հետ կապված բողոքներ քննող անձին ներկայացված բողոքն ինքնաբերաբար կասեցնում է գնման գործընթացը՝ նույն օրենքի 50-րդ հոդվածի 9-րդ մասով նախատեսված հայտարարությունը հրապարակվելու օրվանից մինչև բողոքարկման վերաբերյալ ընդունված որոշման՝ տեղեկագրում հրապարակման օրը ներառյալ:

**ՀՀ ԳՆՈՒՄՆԵՐԻ ՀԵՏ ԿԱՊՎԱԾ
ԲՈՂՈՔՆԵՐ ՔՆՆՈՂ ԱՆՁԻՆ**
Հասցե՝ 0010, ք. Երևան, Մելիք-Ադամյան 1

Բողոք բերող անձ՝

«Տելեկոմ Արմենիա» ՓԲԸ
Գտնվելու վայրի հասցե՝ ք. Երևան, Ազատության 24/1
ՀՎՀՀ 02500052
Պետական գրանցման վկայական N՝ 01Ա-006454
Էլ. հասցե՝ secretariat@beeline.am

Բողոք բերող անձի ներկայացուցիչ՝

Հովհաննես Պետրոսյան
Նույնականացման քարտ՝ 002199545, տրված՝
10.06.2015թ.-ին 011-ի կողմից
Փաստաբանական գործունեության
արտոնագիր՝ N՝ 1354
Ծանուցման հասցե՝ ք. Երևան, Ազատության 24/1
Ծանուցման էլ. հասցե՝
hovhannes.petrosyan@telecomarmenia.am

Պատվիրատու՝

**«Կրթական տեխնոլոգիաների
ազգային կենտրոն» ՊՈԱԿ**
Հասցե՝ ք. Երևան, Բուռնազյան 37

Բ Ո Ղ Ո Ք

Բողոքարկվող գնման ընթացակարգի ծածկագիրը՝ ԿՏԱԿ-ԲՄԾՁԲ-21/11

Բողոքարկվող գնման ընթացակարգի առարկան՝ «Կրթական տեխնոլոգիաների ազգային կենտրոն» ՊՈԱԿ-ի կարիքների համար՝ «2022-2024թթ. Հայաստանի կրթական ցանցում ընդգրկված 1420 ուսումնական հաստատություններին ինտերնետի մատակարարման, հաստատությունների ներքին համակարգչային ցանցերի, աշխատող համակարգիչների ծրագրային ու տեխնիկական սպասարկման ծառայության» ձեռքբերումը

(I) Բողոքի փաստացի և իրավական հիմքերը.

«Կրթական տեխնոլոգիաների ազգային կենտրոն» ՊՈԱԿ-ի կարիքների համար նախաձեռնվել է «2022-2024թթ. Հայաստանի կրթական ցանցում ընդգրկված 1420 ուսումնական հաստատություններին ինտերնետի մատակարարման, հաստատությունների ներքին համակարգչային ցանցերի, աշխատող համակարգիչների ծրագրային ու տեխնիկական սպասարկման ծառայություն» ձեռքբերման նպատակով անցկացվող ԿՏԱԿ-ԲՄԾՁԲ-21/11 ծածկագրով բաց մրցույթ (այսուհետ՝ «**Բաց մրցույթ**»):

Բաց մրցույթի Գնման առարկա է հանդիսանում «Կրթական տեխնոլոգիաների ազգային կենտրոն» ՊՈԱԿ-ի կարիքների համար՝ «2022-2024թթ. Հայաստանի կրթական ցանցում ընդգրկված 1420 ուսումնական հաստատություններին ինտերնետի մատակարարման, հաստատությունների ներքին համակարգչային ցանցերի, աշխատող համակարգիչների ծրագրային ու տեխնիկական սպասարկման ծառայության» ձեռքբերումը (այսուհետ՝ նաև «**Ծառայություն**»), որոնք խմբավորված են 1 չափաբաժնում:

ԿՏԱԿ-ԲՄԾԶԲ-21/11 ծածկագրով բաց մրցույթի գնահատող հանձնաժողովի 2021թ. նոյեմբերի 11-ի № 2 որոշմամբ հաստատված հրավերի (այսուհետ՝ «**Հրավեր**») 8.1 կետի համաձայն՝ հայտերի բացումը կկատարվի հանձնաժողովի հայտերի բացման նիստում՝ նույն ընթացակարգի հայտարարությունը և հրավերը տեղեկագրում հրապարակվելու օրվանից հաշված 40-րդ օրվա (2021թ. դեկտեմբերի 21-ին) ժամը 11:00-ին:

Բաց մրցույթին ցանկանում է մասնակցել նաև «Տելեկոմ Արմենիա» ՓԲԸ-ն (այսուհետ նաև՝ «**Ընկերություն**»):

Ընկերությունը բաց մրցույթի հրավերի թիվ 6 հավելվածում ներկայացված ծառայության մատուցման պայմանագրի նախագծի թիվ 1 հավելվածը «Տեխնիկական բնութագիր - գնման ժամանակացույց» (այսուհետ՝ «**Տեխնիկական բնութագիր**») ուսումնասիրելիս, պարզել է, որ մատուցվելիք ծառայությունների բարդ և ծավալուն տեխնիկական բնութագրերի ապահովման համար (այն է՝ թվով 1420 ուսումնական հաստատություններին ինտերնետի հասանելիության համար համապատասխան քանակությամբ վերջնակետային սարքավորման ձեռք բերում, մալուխագծերի անցկացում, միացում և ծրագրային կարգաբերումներ) տրամադրվում է առերևույթ անողջամիտ ու խտրական ժամկետ (պայմանագրի կնքումից հետո 1 օր) այն կազմակերպություններին, որոնք դեռևս նշված պատվիրատուին նմանատիպ ծառայություններ չեն մատուցել: Ստացվում է, որ այսպիսի տեխնիկական բնութագրի պարագայում բաց մրցույթում կարող է մասնակցել միայն մեկ մասնակից՝ ծառայության ընթացիկ մատուցողը, իսկ նոր մասնակիցների՝ Բաց մրցույթին մասնակցությունը փաստացի բացառվում է:

Վերը նկարագրված պայմանների պարագայում ծառայությունների ընթացիկ մատուցողի և մրցույթի այլ մասնակիցների համար հավասար պայմաններ չեն ապահովվում, ինչպես նաև չեն կատարվում գնման գործընթացի միասնական կանոններով մրցակցային, թափանցիկ, համաչափ, հրապարակային և ոչ խտրական հիմունքներով կազմակերպման պահանջները: Բաց մրցույթին ընդամենը մեկ մասնակցի մասնակցելու արդյունքում չի ապահովվում մասնակիցների շրջանակի ընդլայնման և նրանց միջև մրցակցության խրախուսման սկզբունքների իրագործումը:

«Գնումների մասին» ՀՀ օրենքի 3-րդ հոդվածի 2-րդ մասի 1-ին և 2-րդ կետերի համաձայն՝ գնումների գործընթացը հիմնվում է հետևյալ սկզբունքների վրա.

- 1) գնման գործընթացի միասնական կանոններով մրցակցային, թափանցիկ, համաչափ, հրապարակային և ոչ խտրական հիմունքներով կազմակերպում.
- 2) պայմանագրի կնքման նպատակով մասնակիցների շրջանակի ընդլայնում և նրանց միջև մրցակցության խրախուսում.

Մատուցվելիք ծառայությունների բարդ և ծավալուն տեխնիկական բնութագրեր սահմանելով և մրցույթի բոլոր մասնակիցների համար դրանք տեխնիկապես ապահովելու համար բավարար խելամիտ ժամկետ չտրամադրելով՝ խախտվում են «Գնումների մասին» ՀՀ օրենքի 3-րդ հոդվածի 2-րդ մասի 1-ին և 2-րդ կետերով սահմանված գնումների գործընթացի խտրականությունը բացառելու և մրցակցությունը խրախուսելու վերոգրյալ սկզբունքները:

(II) Բողոքը ներկայացրած անձի պահանջը.

Հաշվի առնելով վերը նշվածը, ղեկավարվելով «Գնումների մասին» ՀՀ օրենքի 50-րդ հոդվածի 1-ին մասով և հիմք ընդունելով նույն հոդվածի 7-րդ մասի 1-ին կետի «բ» ենթակետը՝ ՀՀ գնումների հետ կապված բողոքներ քննող անձին

ԽՆԴՐՈՒՄ ԵՆՔ

Բավարարել սույն բողոքը. պարտավորեցնել «Կրթական տեխնոլոգիաների ազգային կենտրոն» ՊՈԱԿ-ին ընդունել որոշում՝ Հրավերում՝ ներառյալ դրա թիվ 6 հավելվածով հաստատված պայմանագրում և Տեխնիկական բնութագրում փոփոխություն կատարելու վերաբերյալ՝ սահմանելով ծառայությունների մատուցումն ապահովելու համար բավարար և տեխնիկապես խելամիտ ժամկետ (առնվազն վեց ամիս):

Կից ներկայացվում է՝

1. Լիազորագիրը, նույնականացման քարտի և փաստաբանական գործունեության արտոնագրի պատճենները,
2. Բողոքարկման վճարը կատարած լինելը հիմնավորող փաստաթղթի՝ վճարման հանձնարարագրի պատճենը:



**Բողոք ներկայացրած անձ «Տելեկոմ Արմենիա» ՓԲԸ
ներկայացուցիչ Հովհաննես Պետրոսյան
«03» դեկտեմբերի, 2021թ.**